





孟津詩卷之七目錄

七言古



聞登萊諸公言海市



趙州寺壁畫二水塔傳餘不有歌余因復  
爲之歌  
處困

秋月同粟八穀傳餘不遊嵩陰宿下龍潭  
寺明日至下龍潭復由下龍潭至上龍潭  
寺因至上龍潭復宿下龍潭寺

欲山中負薪

石人歌



秋熱坐柳下紫薇時放聞倉庚因作倉庚  
歌 詠連昌宮址

防火謠

中秋無月旅次修武

藤杖歌

澶淵塗次口占

長安重九歌

善存

月上海棠行

上岫岫崖第一峰歌

悔莫行懷嵩山傅餘不

秋氣歌

武林行

江上聞軍中宴客賦得帳下猶歌舞

夷齊行

隣女東樓杜鵑行



孟津詩卷之七

七言古

聞登萊諸公言海市

王鐸

有客來自東海東爲予抵掌談海中不知造物  
生何伎萬象吹噓難爲工其初梅雨時將歛五  
月氣陰斥相通遠山遠岫水面露產來無數青  
芙蓉兩丸跳擲魚龍劇風沙慘淡心魂驚壯哉  
細看看不足渤澥始真有蓬瀛忽焉長堤與堰  
陂丹草碧樹交蒙茸人馬蜚鴻兼孤縱來往奇



詭非虛行更有幽澗臨小榭巨閣樓觀十二重  
意者徑路屹然斷乃爾雲霞爲之封長飈如蛇  
數千丈須臾躍舞出蛟龍僧坐將崩不崩石鬼  
掣欲收不收虹兩儀不得自爲主羣駕在後游  
沖融屈蟠錯綜鳳凰叫深淵怒放飛靈光殊未  
旌旗偃不見一洗天地雕玲瓏杳靄靈光殊未  
殫真宰泣訴誰始終滉漾此內死不盡蜃氣那  
撰乾坤情我聞真仙亦可締蜿蜒回互隱虛冲  
或向潮汐爲燮理制縛毒鮫砢研紅又聞諸神

富窟宅玉棟金門紆珠宮地胡不裂水不溢鼉  
參不與鼇史爭令人毛孔生異慧疏淪神魂爲  
之聰玄化信是一齊諧金翅寧非宣城公小儒  
溺理每掉頭開闢由來演衆宗噫嘻眼鉅雕鏝  
擴生滅萬古涵不平英雄可以奴鯤鰲世界內  
外窮無窮

處困

王鐸

孤村路冷雪光集屋裏蕭條衣裳溼爲官何曾  
苦厭貧老至無妻獨銜泣南北奔走水粼粼困



魚枯甲何苦辛安知仗劍羅浮去不有梅花萬  
頃春

趙州寺壁畫二水壻傳餘不有歌余因復  
爲之歌

王鑑

大瀛何年生墻東灑滌衆潛無初終西墻亦復  
不可測破壁直與太始通晝夜常若牛漢翻倒  
却坤軸失混元鳥王睥睨飢欲死虎蛟神蜈處  
所存日月雷電流其間千派萬派響潺湲毫端  
造化侔天理洪荒初闢留真顏胸中磊塊大於

手陽侯靈胥隨筆走隨氣隨天爲進退陰陽消  
息無不有上下古今將何極并州剪刀剪不得  
驚頭已碧阿耨枯墨瀋捲盡鯁壑色吾壻吾子  
上公車停車觀之動欷歔壁上溟渤不經眼使  
人魂魄歸尾閭數向余言畫入神不知幻化出  
何人傳曰寫自吳道子未必傳聞得其真此寺  
創自天福年開元之人尚在前先後相去百餘  
載道子之筆必不然讀子大歌爲起舞鉤輪癯  
鬼信口吐壁上法法結丹青一片虛光蕩風雨



再一讀之心髓開破寺挾壁遠飛來尤物終爲  
神鬼攫鳳凰麒麟安在哉江山許多留不任帝  
王興亡入墨路古今同作壁水觀人物空濛不  
知處

秋月同粟八穀傳餘不遊嵩陰宿下龍潭  
寺明日至下龍潭復由下龍潭至上龍潭  
寺因至上龍潭復宿下龍潭寺

王鑰

秋風秋水滿煙汀吹破秋陽落客星片片飛出

嵩山雲使我心知靈舉眼光青男兒生不逢時  
良可惜終老牖下亦何益旣不能學袁夏甫兀  
兀坐臥室中土又不能學向子平棄家背負五  
嶽鎗身近名山惜兩脚令人志氣耳目不聰明  
高下不辭真宰愁奮然直入龍母潭中遊此遊  
非偶然與山有夙緣崑吼浩衍峻極無倫步步  
直將飛上天潭在嵩山北之東乍入幽谷起陰  
風時見谿舂盤擎白練走忽爾窳窳青熒神火  
紅渾渟訇磕以之流湍漩窩石舂下見無端黑



雷震搖掀地維葛蘿倒挂百八盤解衣直上峰  
外峰大堆小堆削芙蓉董源巨然皆縮手摩星  
穿月礙雲蹤我來探奇窺真源舉足踏破天八  
重石峽青冥密天歸不得出日月不敢向外走  
赤瑕猶帶古時溼回身偃行如圈豚窈窕攀引  
石爲級半壁噓雲裊難下諸公狂叫稱大奇意  
興豪狂尚不足更攀危巖拾紫芝賈勇再尋九  
龍子曲曲層崖入杖藜千區林莽萬疊山重嵐  
翳樹樹吐煙懾氣縮心聊騁望上下一氣心茫

然細看雲腰出白塔靈花飛珠相錯雜熊咆虎  
嘯不肯息北來風雨何颯颯紺宇盤碣礪幽光  
不能鎖隋時殿唐時佛梁時碑碣立道左紫薇  
叢篁合濕綠鳳尾火蕉低婀娜等崿嶮之峻極  
俯擘壑之風雷接睫兮天末鉤衣兮莓苔陰陽  
內固兮黝淵神龍族處兮喧虺水府從錫兮欲  
得赤烏難挽兮西顏望黑白龍冲之怪峽兮晦  
昧捲霧以東來障迷目兮不分衆歆立兮徘徊  
老龍怒窺其奧窔兮故使昏放而白催諸公慧



眼當之難以久處若假蜺車電旗歲蕤布護使  
人意消愕眙而却回別山揮手讚不容口疑華  
獻翠奇緣非偶眷戀足下之白雲暫辭天上之  
星斗夜來下宿老僧房枕邊謾謾松髯吼乾坤  
倘不死登山尚有期與君重來搜求鬱儀放志  
滌情於山水山水得我爲心脾窮年終身竟忘  
返兵戈人情總不知和音錦雯爲繁會時向空  
中弄琉璃

欲山中負薪

王鐸

妖蛇不斷黎庶哭跳叫出沒滿山谷驢騮已老  
戈鋒鈎任教孺子誇沐猴鬱塞胸中藏熱血欲  
令狐鼠盡消滅低身惟將硃爲研門前已堆三  
尺雪俯仰嗚咽一何多梁甫孔明非閒歌遇則  
可以爲龍不遇豬黃河爲之不平叫夜波只今  
兵戈三十載攻城殺戮不曾改試問口脣經濟  
者精衛誰去填東海嗟乎治亦可喜亂亦可哀  
男兒五十尚無安身地南北焚燒處處皆塵埃  
但得蚤獻鏡歌曲山中忍飢負薪心亦足



石人歌

王鐸

古墓多年石人老身上苔斑無人掃眉宇似怨  
煙霧多風吹雨溼生懊惱墓中老少不知數世  
上紛爭尚如故銘石剗磨復刻文漆棺不得南  
山固流寇徧開鉅卿原顛倒明珠及寶璐爲告  
石人莫潜然古往今來亦可憐吁嗟乎炙手熏  
天但松栢何必流淚向空煙鬼伯催人無藥救  
身軀那得石人壽石人日落伴猿啼無限野花  
開豆蔻

詠連昌宮址

宜陽西北郊

王鐸

君不見舊行宮荒丘茲土今人耕陵谷高下滿  
榛楚車前突然過田鼠憶昔開元重蛾眉太真  
妖豔鬪容儀檻中竹葉多輕薄墻外桃花却倒  
吹力士銅綬五文章錦瑟龍巾百和香芙蓉平  
吐銀屏彩鴛鴦斜飛金琇光玉輦一去金門鎖  
戰塵迷螢山葉墮舊苑吹殘牧遂風頽基半入  
獵人火不見楊李諸兒回二十五郎罷酒杯白  
猿閒嘯下山角蛇老精靈引衆虺麗景雄圖那



可恃鸞篋無色虬鐘死美人化爲馬嵬塵新聲  
變作洛河水霞飛水逝去不還雕房瑠榭亦可  
憐空餘蝶翅年年舞留得月明夜夜間農人告  
我不欲去樹上老鷓觸情絮試問姚宋及祿山  
煙雨濛濛不知處

秋熱坐柳下紫薇時放聞倉庚因作倉庚

歌

王鑰

秋至八月不割截立秋後秋還熱秋熱八月  
猶襍穢尼連之河火不滅安得玉鞭赤龍死金

翅掀空飛霜雪吾聞漢渚有蒸波何如坐嘯嵩  
山阿日日高卧不梳洗跣足濯水頭仍科科頭  
今從柳下眠柳下新花吐紅煙欲落未落隨風  
走噴火吹血血不鮮月光熒熒柳色青紫薇含  
香恰二更小星不明大星明秋夜忽爾啼倉庚  
倉庚之聲聲何哀前聲後聲一齊來春鳥鳴秋  
非無故不惜語音數十回因之問倉庚不須逞  
雄才或者爾不知氣數興亡宜伏不伏戀此炎  
炎者胡爲哉倉庚聞之聲轉悲對曰歲時已往



不可追秋日原以金代火伏之不伏不由我不  
及拙鳩鳴空山寒暑陰陽無不可

中秋無月旅次修武

王龔

中秋有月不見月營營旅懷費周折天政屢爲  
陰陽錯不放蟾蜍照明滅蟾蜍之氣秋不分赤  
口噴出太行雲大往小來無規矩令我永夜思  
紛紛東家酒熱秋半紅秋紅鋪秋秋復濃繁絃  
悲笳苦入耳風雨相妒寶尊空四更忽露二三  
星麟麟車馬促人行鄉心屢爲功名誤樹斷荒

飛野王城

防火謠

火藥廠不戒于  
火四次裂焚

王鐸

東街擊釜西街敲鼓縣官令救訛火宇不比禱  
雨用木郎得非造藥犯火母京都藥廠何齟齬  
若說奸細恐殺女或曰上帝無乃怒雲門狻天  
狗閭闔斷白虎火正司命需震我武臨戎奚以  
蹋強弩四燼金錢民復苦

藤杖歌

王鐸

我好遊山杖藤杖上山下山頗駸躓入都官事



離青蓓輒與藤杖不相見左儒古道豈難追羊  
角結交真堪羨爾杖體骨愜幽獨半似老龍半  
枯竹材產伏羲神農時犀甲削就手中木佛雲  
撥開太古雪陰崖飄瞥山鬼血我久賴爾得扶  
持剛健不屈有大節今日城南花正春寇退又  
闢新乾坤猶記山澗倚藤遊嬌紅媚綠開人心  
我心豈敢故舊遺尚爲浮名舍爾爲帝遣鴻濛  
扶輿起岌萼不得不劃剗爾杖且韜勿我怨作  
官遊山兩參差噫嘻乎鳥盡弓藏今古慨藤杖

親疎何足怪

澶淵塗次口占

王龔

我不能富貴積金傾五侯又不能執鞭扣角飼  
黃牛少不如終童才子之英妙老不如陸賈晏  
喜之優游以茲奔走長安道空負九月菊花秋  
滋菊花黃潦水無梁朱鷺不食我中悲傷天地  
何苦必用東西南北登降陔靡以勞我令我蹙  
紉鬱邑嗟咨而愁思悶耆忡忡離故鄉故鄉不  
可見明月已成霜酸風吹白路傍草堀壘淫鬻



行不了閨中思婦勝旅鴈月過南樓秋聲小氣  
嚴木脫潦水汽遠看行人只髣髴久爲此匪齒  
外人不作俗人眼中物整轡蹀躞過漳河碧鷄  
叫星星不多一囊圖書兩鬢婆娑朝斯暮斯何  
透迤堯舜仁義湯武干戈不及夷門酒屠朱顏  
酖前歲華屋今瓦礫西家哭死東家歌可慨哉  
白頭翁蹉跎日月命不通一年一度送秋風今  
年再上金臺路路傍開遍玉芙蓉金臺露酒無  
錢買木葉吹來燕支紅紫驕之馬飛肉驥將軍

戰伐成大功卿相朝中佩金印人生何處得從  
容此來又爲西曹郎白雲之司爲仕爲隱時行  
而時藏我入白雲雲復白千里之外爲行客白  
雲見我應笑我女其爲我洗魂魄

長安重九歌

王鑰

長安杜門秋獨守出門人傳九月九馬上聞之  
思蹇產遙望洛陽回白首登高寡侶獨酌無酒  
滋菊開徧東籬黃心心結絳不能忘寂歷兮憂  
優徒曼延兮皇皇歸鴻酸嘶淫貽而振羽兮叫



寒空而秋長時有孤吟旅處離慙而聞者增涕  
淚以霑裳况乎胡繩委露江離飛霜將欲寄愁  
埋憂於天地孰識予懷之悲傷

善存

王鐸

舊日不選山已覺負山言玄黃雖弗爭結茅爲  
一軒上有緜臺琪花逐時紅下有神湫怪石叩  
觸鳴長角鏡鬣貝齒獸何時乎拏雷撒雨作天  
聲奇境善存存山形太陽吞惟有道者足以勝  
之黑巖彫族不敢不違犇與石忘寒與月忘年

水嘗似月月似水淵玄靜會得冲玄鶉鷄豈知  
託于翔鷗之條病鼉焉能遊於壽龍之川甘心  
稿木剝去榮年古有陶潛謂忘天我欲從之胡  
不然

月下海棠行

王鐸

君不見海棠花下美人笑千枝萬枝生窈窕綽  
約嬖屑衣婆娑娒娛光流彩月初照春來春去在  
月中連娟遺睇傾天妙閑都且柔多便嬾頓令  
海棠無容貌披香和春對月明照滿花香繞春



聲春香春聲吹不散  
嫋日微胎恣人情  
東風小試穀羅薄  
垂髻斜倚花半傾  
素縞流春香未已  
月壓花色淺復起  
美人却嫌花相似  
回身起向春風裏

上岫岫崖第一峰歌

王鐸

春風吹我岫岫山  
山勢崇卑磴千盤  
赤石綠石襍青石  
勾曲北上木佛庵  
咫尺無路杳難尋  
但于折處得逕仰  
攀緣層層奇峭穿  
奧窟其體之大不止  
于及肩日高始進  
迨亭子獅子听立羣

峰寒但聞其聲泉  
不見百道樹底鳴  
潺湲更入楂枿磴  
斑剝瘦貌肥熊藏  
潛確僧人指引日  
沈西昏默直豎一  
峰卓傍有竹叢陰  
森今晝夜長風落  
上有琪壇瑤圃幽  
香鬱勃今參差碧  
空而幻牙角碧空  
霏微今晦始艱呼  
彼道士今銅鐙然  
瀧流壁溼今捫山  
額以螺行爲曲旋  
危橋枯木兮恐墜  
淵縮循足跡以腕  
爲扯牽不然性命  
能弗捐奴僕後叫  
光相度萬丈丹梯  
絲縷懸一更始至  
廟門下拜禮玉皇  
伏尻馬二三遊客  
喘



不休筋脆髀痛面色赭起行仍登向天級星辰  
手捫銀河瀉何異雲中跨螭徒卽是神巖咒贊  
者掣身仍前下山來油盡無爇亦可哀坎珂摩  
挲過險澀蜂腹擘天走烈雷將至僧庵大雨霖  
衆山響吼地軸摧便慮曠崖有裂時千靈百鬼  
何苦必欲騁陰才溝中水浮我騶胛祇怕淹死  
一于慙又行半夜河中出衣溼冷慄哭陪僮我  
乃顓天鞭風風稍小顓天驅雲雲稍開逃離又  
誤秦陵路天明趨蹌祭獻還驚怖中官亦來慰

無恙不知尚未盡吾探奇驀叫之情愔古今尤  
物兮如岫岫寰海峙立兮人難賦奧藏乃在中  
華之北隅兮何況于人之有遭有不遭奇山不  
載于古書兮此山之命亦真有遇有不遇憶昔  
三吳百越之山綠以青如是高秀乃典刑不爲  
細媚女郎容撐天拄地豈非諸山之倜儻而英  
雄我舍爾山兮如病醒雨中救我兮或仙童授  
珊瑚之寶拂兮翼以啓路之明星危始安晦始  
明遊山從來人未經狂肆澹蕩類阮籍一晝一



夜心晶熒君不見五嶽大名無羞吝獨此嶽峯  
孤傲無人認神霄萬古產光芒乾首坤尾令人  
莫可耳目窺測者寧有盡猗嗟乎遊山夜躋今  
忘陟峻幸無虎豹兮敢蹂躪振濯衣足兮兼而  
有之大心浩歌兮良陶洩以不愠九溪平峒峒  
振告之四極稱巍鎮和以天倪惟在斯以語城  
市寵榮之人心憤悶嗚呼寵榮之人何必問

悔莫行懷嵩山傳餘不

王鑰

悔莫悔兮嵩山之雲已成秋思莫思兮嵩山之

人繁我憂嵩雲萬里牽秋色秋色連雲入幽州  
我見秋雲如見女使我對茲秋雲中心怵憚不  
能休餘不餘不建安才骨格卓犖真奇哉齟齬  
却讀五車書真如天矯長虹天外來大鵬秋盤  
八區尾龍躍天門飛磻雷今春獻賦走長安長  
安花死春風寒春風春花不惜人搥碎春風滿  
銀鞍文章彪炳挂北斗鍛羽長歌行路難行來  
路上聽早鶯策篲顧我入津城鬪衣顛倒歡相  
見落日金緋照眼明滿眼桃杏生嫉妬篝燈促



五言詩 卷之七 七古  
膝談詞賦刺促未及道夙昔更出新詩富情悰  
見詩便誇新詩好反反覆覆看不了十日不出  
梨花深蝴蝶已綠南園草可異哉女歸嵩山伴  
幽岑我亦隨女入少林抱明月揮素琴二三執  
友同志同心惟不談乎朝市并不及乎古今今  
人齷齪非吾徒古人往矣不可呼所樂者案頭  
青山疊高旻句成恍惚有鬼神王子性成煙霞  
癖直欲以此終其身不期世路多枳棘驅迫黃  
鵠離孟津蹠蹠車馬無顏色腰間有骨骨不伸

男兒處世良可嘆呢訾低眉逐風塵嵩山歛爾  
少一顛狂之老夫長安歛爾多一貧窶之嗽人  
可異哉食之無米炊無釜西曹部郎何其苦城  
外西風送我秋紛紛黃葉吹白雨咄咄苦吟不  
餓饑東隣椎牛復撾鼓鼓聲不歇秋半紅秋雲  
銜來嵩山風秋耶雲耶遠莫知靈異蠢蠢排青  
空髣髴太室少室崦嵫而雜沓遙挂秋外之秋  
三十有六峰或如獬貘或如虬龍鈎屈盤拏鳳  
凰舞峰峰突出青芙蓉左右之間且有抱犢伏



牛小熊大熊羣山爲之夾輔雄峙太古立鴻濛  
中有伊人自翱翔健翮摩天勢莫當天門相去  
僅咫尺珠璣萬派搖秋光天中髦士嵩山侶不  
見秋雲不斷腸老夫飽茲嵩雲色何用官爲尚  
書郎

秋氣歌

王鐸

秋山蒼蒼秋水涼涼有鳥有翅皆爲逝虞騶困  
頓不能翔胸次屈蟠難出口鑊邪光芒不在手  
瞪目模糊白看天南華不肯曳尾走天門不易

闕滄海不易移峩珂大卿五湖泛眼底肩屨號  
蛟螭紅叵羅青鑿落羲和鞭日休寂寞呼長庚  
與爾酌醒則游醉則休日月勞于朏蝕山海等  
于蜉蝣豈不聞帝堯焦心至今四千一百秋其  
間賢愚不肖又何異夫深崖顛危生寄死歸之  
猿猴

江上聞軍中宴客賦得帳下猶歌舞

王鐸

烽火急傳如流星城門晝閉心嚙蟲各郡稽首



勢摧崩盧溝鐵騎何縱橫將軍燕客鳴鼓鐘言  
笑秩秩龔修容寒溫叙坐金芙蓉鼈羹雉膾炙  
生熊雕房樊秘銜紫龍開闌呼出羣女戎新樂  
檀槽真珠紅酌酒獻醉彩鈿明循聲按節鳳雛  
穠走商雜羽妍且工舞袖翾伸生回風欲留急  
逝抑復行攴毬來往音冲融兼之笙簫玉篴琤  
夜漏沉滯聞滴同客亦醑然停不征談可輟膏  
碣石中天回地旋飛海虹將軍酌兕膽力憑仰  
面大叫低泰鴻何憂封豨神叢通不屑爭此刃

上功經營捍禦厚五兵况復貔士角嬰城火器  
林集車轅輦冠纓袞繡綦組榮自當干羽格祉  
靈所忌多網聞血腥樺炬炳煜仍逢迎客身屢  
傲玉山傾仿佛譎響鈞天終檐舉翩翔閃覺庭  
蛟劔龍盾短衿裕客散鼉鼓音猶夔高卧丹日  
丈曠隴金字勅來速黃封將軍爵階五等隆傳  
吏司問語喁喁

武林行

王鑑

別君洛陽城洛水寒復清樹搖垂珠之明月鴈



下離浦之秋聲車行淫裔入高岑當此落日空  
山愁人心我心綿纒不能絕江上霜楓堆成血  
君到武林花正飛海棠泥汗胭脂雪

夷齊行

孟津事故述之

王鑑

古之人兮曰夷齊逃汗濁兮山之西渡孟津之  
泱泱洪波以搖心痛君臣兮委塗泥控西土之  
犁眉兮傷馮心之悽悽齟齬貧鬼正言以切責  
兮若神荼簡閱羣癘鞠魁蠶以注醯蝮蛇毒魁  
鳩鳥啖噉羽行隱戮瘁骨慘魄猶呿嚙而長啼

悲皇農兮絕天羌采薇兮木棲慨大道之旣隱  
兮遂質質乎其不食伏巖嶽兮結菴就石柯而  
偃息日不暉兮奚昭若蹴鞠於鬼域惡羶仁之  
蟻萃滅淫商之社稷戚虢賊兮變天地愴蟻訟  
兮祝聖域嗟狐蟲兮爲順辭哀羸蠃兮垂燕翼  
耳已塞兮心春聾語諛諛兮目曹曹形滑鉞而  
質瘁貌滕鞫而鞠躬處林莽而鹿侶漱涼瀨而  
谷空黃熊啼夜黎虎嘯風兄弟衙衙他西徂東  
將終處此幽壑兮悲陰暗之不明愁鬱鬱而無



快兮愧煩懣而徒生無乃示握棗與錯金以武  
王而爲嬰饒飽活鬻嘽嚼腥鯖社刺不霧驅侯  
觀兵倘使堯舜揖遜永爲萬古之儀型今又何  
有乎亂賊篡弑竊奪而雄行仁義何樂而相讓  
干戈何苦而相爭吾甚不解夷齊之買聲曜節  
以釣譽兮殆將竊聖賢而成名何不匿形藏名  
以清自潔兮而諷諷嗚乎不平

隣女東樓杜鵑行

王鑑

東隣女兒上東樓東望早春不梳頭樓頭忽見

杜鵑花攪亂女兒心之愁二月春盡三月來三  
科杜鵑一齊開樓上花朵紅似血愛殺女兒不  
肯折江南也有杜鵑花人去江南不還家江南  
杜鵑開最早顏色不及樓上好顏色雖好人無  
信杜鵑樓頭春欲盡



孟津詩卷之八目錄

七言古

轂轉歌東眉居芝三

絕糧時以自作畫貿易戲書北墻

哀洛陽故宮 荆州遠人行

訊華山羽翮羽士 寒食行

復聽舊院子弟歌者張君教筵前述甲申

三月事泣歌 發京口西山頂

我欲歌 維州謠



新雨栽竹樓屋下青青瑟瑟曼羨宜人因  
憶淇園之詩而作歌焉

春初同傅叔甘公定餘不張煥辰粟八穀  
二子無逸無忝遊潁川大小石淙

寇急宵避潘家塘 瓜洲江岸歌

白雪歌三月終桃始花送友南歸

陽春歌爲姑蘇梨園弟子侑神東廟

庚寅三月報國寺西院看花同同館諸君  
子 春晴北郊訪友卽事

雨雪行清明桃柳不花

北征從行 路旁高臺行

九月兵車行得四十一韻

臺山相公命寫墨竹大幅

義鵲行 捫天行

潁水傅叔甘攜姑熟綠英梅沙盆小放清  
翻襲人命作歌紀之因爲歌

熊耳山吟 觀王玄照山水障子



孟津詩卷之八

七言古

轂轉歌東眉居芝三

王鐸

君不見招搖轂轉宿海派道涼燠遞送催世人  
晝夜推移不自由務光巢父踪跡淹滅如灰塵  
龍伯臬楊詭正警警不易求昨日之所見歌鐘  
麩米春今日之所見藍關雪馬深兒童笑指螭  
蛾太飛揚公侯顛躓者如彼如之何不寒心所  
以胸中三斗泪灑向丘中一古琴悲矣乎肝衡



遠有亂剝日營憑依兮萬古一官傲履兮巉嵯  
木爲器以斧鑿玉思雕爲瑚璉七尺之軀豈任  
人役使茫然膽慄惟軒冕何若浮槎茶串天涯  
畏榮陶子到處爲家蛻旌鸞書有喜有嗟近夢  
身在柝城上列壑攢峰相揖讓竟與岬嵴結爲  
眷屬玄闕雷淵處處咨吾疎放醒時兮羞赭魁  
前旌兮溱沔隈亂後兮噓煙白堪笑兮趙叢臺  
相如廉頗兮土蝕墳鐵騎金戈兮冷花開可憐  
哉空華觸目爲網羅鶴媒麀友足以婆娑巖磊

落排雲之豪邁氣續東魯鬱滯不快之丘陵歌  
學仙體兮生長毛視九點兮若鱗波知亦此生  
不知亦此生莫羨乎柳下莫惜乎屈平蒼蠅之  
響何足聽金山日夜流江聲

絕糧時以自作畫貿易戲書北墻

王鐸

七尺素楮約一束王癡潑墨興咄咄幸得偶有  
發興時傲睨任人來迫促所由知已難其人曾  
記乘輿塗書屋李小將軍枉太工大叫亂抹偏



念念生辣硬瘦天機出問之衆人似老聾物物  
不由常蹊逕開闢混濛安得同譬之古器爲時  
罵新鑄銅鑪誇高價曠達每受坎珂纏忍飢讀  
書坐官舍故園畫冊散如煙睡眠昏迷過春夏  
每日字畫亦可憐白髮休吟蜀道篇僧牛牧豨  
不獨我古來磊砢之士胡不然嗚呼只愁雪裏  
無人買雲水蒼山不直錢

哀洛陽故宮

王鑰

洛陽三月春不新惱殺洛陽看花人舊時池館

今不識暮鴉啼破楊柳春憶昔歌舞滿宮闕結  
風裊雲不飛月晴鶯曉樹春相引錦幕流蘇香  
未歇玉笙吹夜小星稀蘭膏晚照靚粧衣芙蓉  
寶幄金條脫翡翠之裙蝴蝶飛傾彩流光蕙爲  
質稱觥手捧半邊日醉倒春聲傾銀河夜來不  
放星星出壬午賊來破洛陽殺戮劫奪如虎狼  
血漬鑾輅埋灰燼刀卷陰風入掖廊土人拾得  
碎玻璃寶釵金鳳霑黃泥觚稜燒玉真龍死榮  
楯裂錯鬼馬嘶曲徑猶傳碧梧宮遺墟但見狐



狸蹤日暮悲歌傷懷抱拔劍欲砍斷春風春風  
無復人倚樓灑水泱泱繞宮流哽咽嗚嗚不忍  
聽日夕麋鹿上城頭

荊州遠人行

王鑰

遠人遠遠在荊州人去春明江水流江水南流  
瀟湘月照破瀟湘水不竭妾心空懸明月光月  
明江水心何長遠人春夜夢難成沅陵一夜枕  
上生忽如洞庭湖秋亂寒濤雨泣珠又如天樓  
山猿啼挂淚夜潺湲昨憶沅陵千里別春山雲

樹飛蝴蝶一聲驪駒歌三年音書絕紅顏爲之  
損腸情爲之結二十年來離鄉土今日秦明日  
魯從來不曾有此苦漁陽道隴頭路馬蹄朝朝  
馬蹄暮終日思之倍酸辛惆悵天涯羈旅人眼  
前放着桃花春

訊華山羽翹羽士

王鑰

羽翹老人任華山青髮皓齒增朱顏自言年紀  
一百六只食石髓不食穀砂滿金鼎哀紫霞鼎  
中忽開青蓮花拄杖能戒二虎鬪那知不是真



龍蛇藥珠經文書小篆焚香夜跪青玉案真妃  
聽經雲中立瓊花十樹都開徧老人常向雲中  
拜雲中常見飛霞珮自從下山四十年如今不  
知在不在

寒食行

王鑑

東郊寒食食搏沙野棠樹上啼烏鴉人向荒丘  
哭冷土紙錢飛落白楊花荒丘古塚何纍纍月  
暗北邙鬼火吹去年人增今年墓年年雨溼松  
杉樹

復聽舊院子弟歌者張君教筵前述甲申

三月事泣歌

王鐸

張筵記得玉河橋梨園張二聲妖嬈今冬一遇  
不相識面目經火斫且燒垂泪爲言流寇擾杜  
勳上城狙伏巧百萬金錢不犒賞積金如山軍  
不飽爲我筵前投泪歌倍粟金虬躍白波雛鸞  
學語細溪音當時聽者今無多坐中風澀慘難  
語穀城如獍贊皇瞽龍驚鳳訛宮女散碎珮金  
貂汗塵土九衢內應礮擊君貂璫不開東直門



震震萬歲山崩裂甲馬玳瑁縛羣臣得歛梓衣  
皆白雪雲屏玉輅鳴金鐵三光色死鬼夜號苑  
中紅簇桃花月不比何戡何滿音冰含遠溜玉  
河深紅螺盞住不忍聽滿座攢眉傷血心我逾  
歛涕凋顏色虎賁如林官無力散去中宵夢不  
成伏枕無言長歎息

登京口西山頂

王鐸

羣石競逐擘地髓蒼幹特達勢譎詭我來直踞  
驚且疑海風蹙蕩東極水煙斷瓜步青岌岌鱗

爪崩騰如龍立山深恐有古鬼來林逕楓香鮮  
花溼劣崩奇綠開震且酒間天光結不散四方  
兵聲動江鄉我輩騷人得幽玩倏忽牧歌起寒  
色遠帆無數通外國此心浩蕩殊未足孤暉靈  
動誰能測

我欲歌

王鐸

我欲嵩陽空中起石樓恰在白雲之上丹霞之  
中彷彿莊氏之天游咎單夷牟人所羨置身太  
古山巖幽母乃有芝桂可爲茹有菊蘭可爲羞



睡無時坐無休樓中開窓元氣通乎天門與地  
戶萬象玲瓏北斗南斗羅牀頭耳邊鶴唳厨下  
鹿啣洗足石上衝以清流起卧吟歎於斯不解  
倦不倦又何纖毫絳夫人世之九州與彼海外  
之挹婁嗟嗟所見亦可哀也哉城市飛薨爲瓦  
礫瓦礫再變爲飛薨生生死死如蟪蛄木槿開  
謝隨東風何若石作豆泉作醴簾中嵐翠長如  
此與造化者游收拾無遺形寧知頌茅與賜履  
山中無莫復無朝演出許多龍兒與虎子有樓

有樓不用錢歎蒸鬱冥鼻靈堅大丹可求可遇  
何殊攀鴻戲煙無恐惕任流連從茲月月復歲  
歲老去歲歲又年年春花秋月恒不罷方知無  
用櫟社篇爲往古來今之名言心不厭此樓內  
之高眠心不舍彼樓下之奇山千壑萬仞互勾  
連旣忘平日又忘昊天飲石藥弄水田白頭穆  
穆得懷立此時有人問乎我我亦不識其所以  
然

新雨栽竹樓屋下青青瑟瑟曼美空人因



憶淇園之詩而作歌焉

王籟

淇園飛來一園竹淇園之竹穿我屋淇園忽然  
落我前樓上樓下盡皆綠扶枝攢拏交遠風碧  
簌吹玉玉玲瓏白月歛窓龍蛇走籜龍髯龍半  
飛空櫛蠹夜翻北海濤清迴回心卷篔簹苞筍  
抽莖天爲飾檀欒洗出秋天色窈窕空庭舞簫  
瑟嬋娟丰姿那可得有筠有叢二丈長孤標勁  
節何軒昂陰陰風雷弄海聲山鬼山精白晝藏  
麒麟躡躡龜馬死鳳凰不食天地荒一日一上

竹邊樓鮮碧捎雲菜不休好學有愧衛武公空  
負樓前菜竹秋

春初同傅叔甘公定餘不張煥辰粟八穀  
二子無逸無忝遊潁川大小石淙

王籟

石淙擘開一天水瑠璃卷濤噴紫藟源泉直下  
嵩峰巔嶠岸半浴澄潭裏春冷石淙水不飛正  
月二月遊人稀聯鑣踏碎潁川雲斜轉山腰入  
翠微山中雜石吐雲煙珍木瓊英覆其顛翡岫



五言詩 卷之八  
飛銜滄海日芙蓉倒插蔚藍天紅蘿素月鋪春  
柔碧涓丹泉瀉通幽水盤白若深無極壁削青  
蓮欲倒流武后昔年同此遊君臣賦詩鑿清秋  
我今同遊有數君栗君張君興不羣傅家伯仲  
稱妙阮二子隨我攀綠雲舒情忽放莽賈側飾  
心不掩少室色文章從此變虎豹日月不敢頓  
傾仄一谿吹來龍母風千巖滴碎淥玲瓏桃花  
鬱纍不成笑杜鵑迎春放小紅大淙小淙聳雲  
壑飛珠連珠相錯落翠娥鼓瑟馮夷舞少姨吹

笙嫁海若大白且浮千頃波漱石洗耳放高歌  
許由呼來濯我足醉後倒騎金波羅回首西山  
頭半白讀書飲酒時已迫且枕石淙眠千日不  
然終身懊懣齷齪富貴亦何益

維州謠

王鐸

又欲復者此維州又欲棄者此維州戈刃紛錯  
生睚眦可憐枉殺悉怛謀嗟乎我朝河套蹙西  
向白鳩哀詞今猶唱

寇急宵避潘家塘

王鐸



五言詩 卷之八  
夜走心悸十不堪念劇塞野多白煙蒼黃潛匿  
蒿中屋草澤溼洳不敢哭蛇矛撥戮無救師火  
光照山聞馬嘶石崩打破南山砦洛陽路上人  
屍礙腹飢身邊枕佩刀雪風吹河聲陰颺母仆  
女牽不暇顧西村驅人入城去

瓜洲江岸歌

王鐸

舍舟登沙衍言邁古城隈城高風急海光照濁  
浪滔滔地軸回波濤洶湧山倒吞我心本無朝  
與昏精神雲水未始疎北固諸峰合一魂只疑

玄造能變幻黑嶠白霧何陰森盤紆金焦兩塊  
石區別光榮萬古分惟昔神禹擘澁衍吼咆江  
海滙靈門提山擲水由所作河自積石江導岷  
帝曰女功奠敷土乃得瓜步安石根今我重來  
感海若巖嶠直可等崑崙俯仰今昨日又莫富  
貴浮華閱草樹天心有意補江山江雲漠漠飛  
寒鷺

白雪歌三月終桃始花送友南歸

王鐸



三月忽飛梨花雪桃花凍殺一團血春風無力  
雪竟來桃花梨花不敢開雪飛三月柳葉稀折  
柳踏雪送客歸桃花不管人離別柳條却自耽  
是非白雪漠漠黑雲愁把酒分風向揚州雪添  
橋下桃花水水夾雪聲重不流洛陽橋上送君  
行行盡春雪月正明梨花雪迷桃花路雪深不  
聞馬蹄聲

春晴北郊訪友卽事

王鑰

天晴暖放一郊春北郊行春訪故人北行恰遇

春放處簇簇桃花一斬新終日杜門懶不了出  
門乍見行人小故人見我驚相告桃花枝上春  
正曉

陽春歌爲姑蘇梨園弟子侑神東廟

王鐸

海風吹天天不高廟門擊鼓解佩刀登場奏伎  
樂神意細按宮商合刁調二月三月陂水綠吹  
笙倚和皆元曲山腰細瀑瀉紅香啣啣堂下鹿  
磕竹天空雲流瘦蛟吟變徵合節融人心沉檀



氣奪百和味亂飛白雪晝陰森蟠龍小髻犀梳  
困芙蓉含露桃花嫩突然猛鬼旌旗搖吹角縱  
金無遺恨神鴉不啼駝無聲肉食湏飲趾不行  
膜拜環舞奠蘭酌錦纏一擲擘紅絨合手大笑  
誇劇好丹頰游女圍大纛側身目射氍毹間聲  
停琵琶海月小神旣醉飽鼎光騰夔魅却走歌  
杳冥須臾風收人靜默樂異鈞天難爲容教坊  
荒榛生草藟天寶兵紛龜年死雲門六韻久不  
聞金人宮外淚鉛水猶記先農祭舊壇燕享冠

裳玉食前一堂歌聲成墻堵祗今聞歌老眼酸  
桂房椒壁皆傾倒散盡梨園鬚髮老奏伎休向  
十四陵石犴蕭瑟凋秋草

庚寅三月報國寺西院看花同同館諸君

子

王鐸

紺宇不壞花根老樹樹傾亞爲誰好嘉才逢時  
有令顏不受指撥生懊惱與君攀翫貴及春芳  
魂浸臙甲乙身奇株自矜新雨露毳影中央鈎  
暖塵吳中歌兒龜茲板枯柳龍骸酸人眼長明



燈燄是前朝，炤見檀槽與斑管。九孔聲漏鸞雛語，花娘香稜吾醉女。昏慵不許歌離騷，腸斷故鄉寒食雨。

雨雪行清明桃柳不花

王鑰

人生在世所人幾，何鞞雪如電爲時不多道德。無聞志氣消磨，又逐名利又遭兵戈。百年能有幾清明，雨雪纏綿不得晴。楊柳沒眉睫，桃花沒口脣。十日不見天，三春何妒人。魑魅啗大化之文章，羸蠶吞大化之星辰。封條戾牛目，麥壠驅

水輪云是禍成井，而陽死故日月不目於洪鈞。我生何蹉跎，柳暗花不春。白馬惜障泥，紫燕溼紅襟。空老晦冥中，日月誤一身。生死尚無定，猶憐桃花楊柳春。未勻楊柳勒青歲，之依依桃花疑霜雪之。豈豈當我清明，今若此整眼來歲看花飛。

北征從行

王鐸

冷風吹沙沙作濤，高阜陂陀走坑壕。大旗見獸布週遭，草枯越棘風吹毛。肉殮湮酪馬眼驕，八



月九月箭颼颼俯身鳴弦中秋毫老雉孩兔爭  
騰逃黃狐心急形慄慄什什伍伍力逾囂逐北  
舍矢響蟒袍戈戟不動獲鳴骹獻豸燔升洗腥  
刀羅列細割引紅條絃索撥撼金鐺敲此時食  
鮮駕鵝饒帖帖野雲覆棗臯千仞奇崖天一瞥  
繩帳釘深銜鉤鍊數飲將醉闕支悅解鞵香豆  
飯青臙垂鬟跪讓乳茶啜旛旗朱片搖山闕火  
光炤夜革帶熱星爛風氣仍蕭瑟散歸盡爲丹  
顴頰回望馬簇炬不滅帳帷半墮梧桐月

九月兵車行得四十一韻

王鑰

九月八月秋水平西風西來搖青冥閭闔太微  
放夜晴草黃露白月初生膈膈膊膊鷄初鳴乘  
驄使者入燕京高望效數是京城跼踏踈盤東  
方明忽見將軍出行營心悸氣懾目失經優佈  
健倭沒丘陵毳毼屬毼衆穆并嘯喏澀喜亂人  
情塊北駘藉馬不停決驟師比七尺輕從扈雄  
趨何縱橫魁結健兒五花青杏韉蹙鐙朱繁纓  
瑪瑙鞭系紫絨繩翹翹貝帶垂金鈴烏號斜插



五言詩 卷之八 七古  
鏃鵬翎鐵鑲桃花甲雙層畫纛雙熊摩日精尾  
銜飛鐵地軸傾軫麟宵奴擎角鷹鯨儉雪脰玉  
革滕撇捩羊角盤車較純毫茜巾覆組繒曼澤  
怡面睇娉婷輪翻轂轉如流星羈馱蠹裔絕飛  
騰蹴踏亂擁霹靂行鼉鼓逢逢雜金鉦歛吹前  
校虜栗聲悍捷蹙沸震風霆走石曳沙天奔競  
驃騎怒壓霜濤崩譎詼蝟髭殊猙獍驅塵轍雪  
去無形觀者溢目目皆瞪訊之乃是定南兵

臺山相公命寫墨竹大幅

王鐸

求我画竹不可工別有天機行其中對君神骨  
欲寫出蠶蟲蝕葉豈生風直須縱橫交屈鍊亂  
擲錯刀石紋裂篆籀顛狂無規矩龍蛇起陸成  
枝節真宰愁刮造化窟舜死蒼梧妃泣血可知  
寫竹不襲竹張芝草勢何拘束波濤海呼移者  
情秋月蕭蕭聲滿屋

路旁高臺行

王鐸

土圻鰲鱗石色紫牧人驅羊羣鵲起我自琉璃  
橋上來南行炎炙紅塵裏有臺無主徧生蒿誰



其築者心徒勞翠鴟不見髻光沉山精老魅叫  
紅綃西飛丹日路崢嶸此臺滅盡空寒飈還流  
東澗桑乾水朝市不聞聞夜濤吁嗟人生富貴  
空晉楚白骨成丘蝴蝶舞歷朝陵寢亦如此玉  
匣珠襦埋陰雨

義鶻行

王鑰

氣嚴木脫秋凜風迺草色糊空寒迷離鶻鳥從  
禽飛極於天末獵人尉之售市屢估價止用三  
千錢參之十日肌理豐志氣橫出絕地而天通

側目猛腦何揭驕隣盱不服天爲高紫翮森勵  
凌秋鸞喬桀殊才豁風毛指爪卷鐵筋骨牢疊  
胸腴肩義氣豪挺身卓立竦高標剛毅那肯輕  
折腰昆駮狐狸遠騰逃飛颺獬獬惜不生獲父  
哭死聲嘈嘈倏來倏往歛西歛東鳥獸駭憚焱  
迅如風大凡當之則立斃未許十死其一生所  
殄夷者皆僥狡奸悍之徒鶻乎鶻乎何其雄俠  
而神明冬日曾入石牟關千豁萬豁響潺湲松  
聲石壁流雲壑周公土圭尚斑駁於石間流連



瞻仰放愁顏忽爾鵲逐鷄兔飛入虎狼之穴嵒  
岬蒼鬱給訝杳窅之深山踉蹌終日思不已相  
去約有二十里無乃大義當乖離鬱鬱纍纍費  
尋思搏搭格角尚依稀不能奮翼隨女飛傾情  
倒意何周密從此無復相逢日夜來反側行之  
太息鵲亦思我不欲飛若惜振掉長風力鵲乎  
鵲乎何怪哉厥身孔明貌非凡才耻爲負義辜  
恩輩天明忽然遠飛來

潁水傅叔甘攜姑熟綠英梅沙盆小放清

翻襲人命作歌紀之因爲歌 王鑰

十年不見綠英花曉玉消雪流青霞一從虎丘  
別顏色春冷國破難再得轉移造化有傅君江  
北携來江南春南春北春春不歇片片銀水鋪  
素月清瘦老寒餘德氣行之枝葉爲仁義身材  
不滿一尺高骨埋日月干穹霄春風傾情膩春  
光桃李窺風出東墻繽紛羞與桃李伍抱命獨  
立三寸土根盤虬龍欲喧厖沙盆尺咫飛雲雷  
陰陽殺氣不相侵一技能回天地心疎疎淺姿



布性情凝脂靈蕊發仙英露月合煙結青苔羅  
浮庾嶺不敢開孤清自甘多文學淡沲晴光盈  
碧若東閣詩興動子美差池影橫隴頭水揚州  
何遜一何貪清迥還讓傅叔甘揚州忽向几前  
垂笛裏玉聲切莫吹

捫天行

王鐸

媧皇不欲玄黃厄調氣補齒多痕迹一手掃却  
妖形雲胭脂染日飛變白不見穆王驟雄圖星  
辰鉤鏤馬是魚羲和韞截朱攏毬命虎犁雲服

休屠英姿猛腦玉莖養班騅凡骨羞立仗王母  
塚草龍媒哭蹭蹬崑崙空悲壯

熊耳山吟

王鐸

福昌蜿蜒西山岑竹光蒙茸山氣深胡爲乎稠  
峰沓嶂不可辨令人爲發太古之遐心昔時積  
甲欲與齊回溪東拱翡翠侵瑤華可采人亦少  
空青靈異自陰沉乃相語曰令我未入邃壑探  
煙霞聞有諸虎宅哈呀至今北斗無晶韓衆死  
石壇峭洞空桃花題詩何年畱石壁長獻有日



驚龍蛇吁嗟哉戰鬪之事須臾爾澗水無聲日  
又斜世上擾擾東西奚爲者何不入山牧豕鋤  
胡麻

觀王玄照山水障子

王鑰

畫山宛如真山形元氣歎礪入性情靈巖上下  
天欲飛嚶溟鬱弗腕底生丹崖溼翠流空壁滄  
江煙霧滿堂傾江東江南我曾到煙雨湖光何  
其妙稍開沙衍落遠灘筆法恰是王玄照吳山  
越水置我前峰峰雜樹吐雲煙泉聲松髯耳相

得花谷石稜入遠天如經洞庭雨初霽林薄處  
處響潺湲此中具有陰陽理黃山白嶽相勾連  
我欲飛身卧其巔日夜晦明坐曉寒樹色晴雲  
歸不得乘風却上漁人船漁船爲旋復爲動送  
我長江萬里海日邊人不老骨不朽功名富貴  
何足有雲丘雪谷不用半文錢只須玄照一隻  
手八尺素絹吳越可見行之處其中對之忘其  
倦流連終日不思去爲之神移而目眩其膠葛  
也難爲觀其窈窕也無其端與之所至時爲董



巨時爲范寬李成李唐隨手變化以見其一班  
丹青之事雖云小技已乎而神妙也如此其人  
之穆如靜逸善道履信無不隨分以自安我將  
與之尋訪南溟遠離家坐令海色吹青霞倏忽  
永與世人別手弄明湖白日斜湖上閒田足十  
畝只種青蓮不種瓜不聞鷄犬驚人夢時放流  
水送桃花

孟津詩卷之九目錄

五言排律

入紅門瞻拜

鰻鱓洲邊桃花

才薄一首呈介清水漸

逢純甫皇士

春日西園

觸目

題黃大癡山水障子

汴破懷州涵暉閣秋意

梨嶺

老年東傳餘不壻

再宿少林千佛閣二十韻



水樓寺

謁露筋女神祠

虹縣道上

古林庵

同傅柱臣話伏牛諸山諸寺之勝

閒居示友人  
行逸家堤

江中遊歷  
濟上早發

問湛虛  
傅叔甘惠建蘭致謝

為農  
自責

巳亥春日雨示子無逸無忝

雨後閒中偶拈  
邨山

賀九山至光福東羽遐葉子

登張秋埠樓多聞且有新警難返津口

春祭覺斯長兄墓  
閏三月

移病  
鄉中意

憶園  
鄉行

甲申冒雨渡鎮江  
三春苦雨

聞有止青柯坪上  
上大報恩寺塔

春曉亭



孟津詩卷之九

五言排律

入紅門瞻拜

王鐸

青蒼開秀壤形勢麗高天作肅觀深闕修虔仰  
太玄肇基開大隧築土立崇阡錄著鴻苞後祥  
敦象帝先諸臣供臂指獨軸運璣璿八表資爲  
徹二儀定以平堯仁俱載德湯誥永承宣萬歲  
悲弓劔百靈拱礪泉氣緜滋老樹澤遂發方荃  
睿語垂天象神功勒岸巔虹梁碑可並藻井璞



同堅中壓嵩峰貝西低華嶽蓮著存明潔水禰  
禘出公田石髓真人洞金鑪聖水煙昇平歸創  
始保泰重維乾獨灑孤臣淚不惟感豆籩

鰻鰓洲邊桃花

王鐸

幽植非求近孤生守舊根無心競潤澤何意對  
丘樊白露終無損春風亦不言稀疎隨壩土英  
豔礙籬門勝踐雖無阻憂情猶有存連檣霏雨  
氣映水悟靈源紅景藏幽隱黃崖斷寂喧鴈思  
空怛惻戎節遠亨屯他岫流深碧故園發舊蓀

嘉辰三月到衆色豈堪論

才薄一首呈介清木漸

王鐸

才薄終何濟單心未易酬塵纓無實用桂樹可  
淹留夢逐家南月身閒薊北秋寒蟲入戶默涼  
草爲人幽殘漏催遙夜孤燈照旅愁蒼生鎮日  
哭邊土幾年收且傍青巖去恐貽白髮羞茫茫  
天地闊崧瀝問漁舟

逢純甫皇士

王鐸

歡欣如昨夢雙櫓幾安舸烽勢畿城逼月明江



水多笙鏞斯道在鴻鴈幾時過石藥調明露金  
奩住別峨還期儕寶案莫自舍陽坡皓首緜真  
氣紫庭詎不邁

春日西園

王鑰

園臨西日寒花色淺相安多感三春雨又開一  
種蘭青來天體備白破露心殘水厚流無任林  
深溼不乾夾條澄細淥斜塹斷回瀾半榻方高  
枕孤亭倚下灘石華疊月浪泉影寫風湍鷗喜  
當晴浴柳宜帶曉看能供幾歲月莫誤此盤桓

獨立忘羣象冲虛奚所觀

題黃大癡山水障子

王鑰

諸峰乘淡靄曲徑入高岑文質堪相就陰陽結  
構深真光盤古木神氣聚幽嶽潑墨徐方覺觀  
雲耐可尋疎藤流晦色老壁響空音石乳垂花  
峪山腰鎮寶林峽容松際屋人挂月邊心終歲  
無車騎經春過水禽正情惟自得邪事不能侵  
對此忘憂慮披圖識古今

觸目

王鑰



五言詩 卷之九  
世事逾參差藏身日以危鄉田仍碩鼠道路盡  
長鉞逆旅冬初候重城春莫時荒洲交鼈罟殘  
屋帶猴葵千里炊無飽一家面少怡忠心氣獨  
咽壯士血相攷自恃城如鐵誰憐命若絲誅求  
方未已底定在何期

汴破懷州涵暉閣秋意

王鐸

芳洲鄰沁水孤棹易銷魂北極風聲壯中原日  
氣昏鄉書難驟達旅鴈又孤翻使者煩新命將  
軍負重恩汴京憐折角函谷欲羸籓九陌陰霾

合三江羽檄援深哀缺故舊多難曠田園王烈  
空搔首稽生已滯魂謀身因避俗墮淚竟藏言  
薜荔嚴霜色芙蓉秋水痕布颿儉菊醞漁網問  
蘆根駭旄經荒岸涼飈下古垣羈栖澆篠碱恫  
憤倚衡門懶狎中流月愁聽近浦管 聖躬勞  
社稷謀士儼秦鞵瞑眩瘳何日經綸必有源金  
甌當永殿玉弩在彌敦國步無疆盛神鼇審所  
存

五言詩 卷之九  
五排  
黎嶺

王鐸



山廣若無路周旋石逕捫披幽多細石登異有  
孤根泉暗時聽響花妍不用言別家消俗務掬  
水養清魂小憇欣然合高吟迨爾存紅顏勞黻  
冕白眼託琴尊實紫瓔絲繫閣青露乳繁狂情  
隨兩屐老態詰三源圖閱星辰考嘍探猱攫翻  
玄夷窺奧府古鬼隔征轅僮僕偕生道陰陽識  
化門有心收海氣加意曠丘樊玉瓏來光怪金  
書領巨焯人間皆軼轡物外卽崑崙石髓非難  
取瑤華不足論長生奚所戀別繕一神園

老年東傳餘不壻

王籟

年老生飢病村居寡悔尤三冬惟看畫五月尚  
披裘枝上狎鳩鳥溪邊引釣鈎名心都已盡古  
癖不能休命任天公活仙從姪女修青回今日  
眼白亂去年頭逐鼠緣經笥趁雲放水鷗肉絲  
移小部杖屨出平疇案讀伯夷傳壁懸老子牛  
過多應未改恩重幾能酬古路銅駝斷高原石  
馬稠親朋皆喪亂兒女半牽憂倦眼書千帙憊  
形酒一甌荒城春易盡疾痼藥難瘳世事洵堪



五言詩 卷之九 五  
歎吾情果欠周中原吾與女同汎李膺舟

再宿少林千佛閣二十韻 王鑰

爲愛清幽勝少林今再還天垂孤剎立地湧萬  
峰懸飛磴忽無地攝衣竟上天苔光侵壘屢蛇  
影散戈鋌忍草看如舊貝花晚更鮮微添蘿薜  
色不改杜鵑煙潛室蛟龍護深林虎豹穿星辰  
崖角仄雷雨枕頭遶千佛開金篋一鐙鎖玉泉  
磬聲雲出入唄聒鬼盤旋能習披鵬翅仍思履  
鹿田琅璫搖塔背松子落神前修業追榮啓用

神學善權冥心遊太古養性合冲玄採藥酬毛  
女跨蛇學羽仙雖非全離世亦可暫延年閣自  
周王建寺因拓跋傳常來常不去久住久相牽  
潁水多君子嵩山隱大賢吾生真有愧長夜不  
成眠

水樓寺

王鐸

日夕來荒野塵勞倦不勝舍轅遊古寺關戶見  
光鐙檉栝多苔繡蒹葭有露稜秋深香賽起亂  
遠廟靈憑草壑晨俱拜椒坡晚更登廢興真未



歇兵火果頻仍崑岷南山壯澄泓北渚層人煙  
牛犢返陽棘坵垣乘碧瓦魍魎佛紅旛蛇墜藤  
何煩問歲月莫遽詆金繩混一遵功化升恒達  
鬱蒸黃昏村鼓伐掠翅下寒鷹

謁露筋女神祠

王鐸

修渚凝冬色橘橙作比鄰休輕論苦節豈易得  
斯人碑麗迎神陟雲聲賽廟春鬟河同嗔嗔月  
露各彬彬千禩芳無萎三光氣不陳英華今古  
敝采遂漫傷神

虹縣道上

王鐸

溟滓合平楚微茫陟廣原與時觀晝夜審氣考  
乾坤吳越朝羣岫陂陁赴一門依依襟渤海晶  
晶峙崑崙蒼蒼甸青無削韜藏秀爾吞已知尋地  
紐兼得識天根陵寢發祥永陰陽開泰繁大亨  
方有籥美利已忘言寒火吹幽磴早廬浴曉溫  
配京豐水芭壯鎬錯山墩融結高天合清虛羣  
象尊子規楮葉響母鸛薜枝屯南北分雲氣松  
杉萃帝閭無端竹欲笑著竅石能喧朝闕登



樓謁臨湖望鷺蹲私田竄禮鼠官道長芳蓀鐘  
動神來食雷殷鬼自奔徐揚疑紫極邃古闢玄  
元蹇嵯雲旌剡歲蕤雪劍捫漆舟餘鹵確鐵馬  
記燒痕樸邀岸邊古蚪蚪水際昏支離催驛騎  
曼衍閱墟村隨意沽春酒命僮酌小罇坎爻惟  
自忖旅卦俟誰論草屋罕蒼瓦柏堂有絳繡霸  
圖不可見王迹至今存五藥苞深澤三芝殮舊  
恩江河趨窟宅舟楫駕鼉鼉率土遵周道執及  
儼塞垣國良有所化人自不能諼仲月瞻牛宿

修堦命翼軒孫登偕木石鄭谷重丘園婚嫁已  
將輟丹砂漸可騫卜戎停勒塗匡礪並宗彘頤  
養猿狖狎歎歌瓢笠惇勞勞從解脫澹澹息心  
魂

古林菴

王鐸

羣木各爲命茲山絕點埃靜香生不斷好雨住  
還來淡冶如無際縈回始欲開斯時良寂爾而  
我亦何哉禪意方能醒離心未易裁已看梅萼  
墜又笑石櫻催地僻兵難到天低鴈未回悠悠



聞遠磬細細閱陳芟世事真無借人生貴不材  
丘中弄聖水儻可亞嵒峽

聞傅柱臣話伏牛諸山諸寺之勝

王鑰

伏牛敦二氣飛水迸三光開闢誰爲此登臨我  
未嘗嶽峯應有故鬱律不相妨路束依懸壁崖  
崩接斷梁谷聲連曉鳥月色亂晴霜花竇迷香  
宇僧寮續鴈堂老熊攀黑綠古寺塗丹黃石磴  
扶天迴雲泉着地忙龍蛇爭造化魑魅嗤文章

佛日彌千界乾坤鎮一方藏名心寂寂觀世野  
荒荒從此全真性何須夢帝鄉

閒居示友人

王鑰

七朝不冠櫛差可樂閒居老至偏多病懶來先  
廢書匡牀全止定敝屣半終初誤著雍熙想徒  
慙智慧疎丘園無妄木潄漱有專漁扶草蓄天  
歲參鱗演日車勃然蓴菜長忽爾海雲舒溪色  
隨晴轉鶯聲逐夢除千枝青瑣碎一徑紫吹噓  
餘力開文苑孤情寄酒廬咏詩恣性竅命瓦引



情渠蘭葉當風善蘆花過眼虛老狐偷水噐稚  
子縛蚣蝓仁氣迎祥若幽懷結淡如兒孫能自  
立金玉復何儲卽此忘羣慮安心得故余

行逸家堤

王鐸

遊情及品物寒氣滿平林暮角梅花落清溪芳  
草深荒時多廢壘戰後有寒禽紫宙猶餘此黃  
沙獨至今秋瓜愁曼衍纂棗意嶽峯版籍人存  
幾封疆淚不禁浮雲天外象野特水中沉離亂  
嗟燕甸鉢折勿楚吟忘機空雨沫慨世撫龍鐔

旋復揚舲去誰能舍蕙岑

江中遊歷

王鐸

水驛胡爲至令人診旅魂悠悠辭粟里泛泛認  
星餐老木當孤枕溼篷過閘門妻孥多疾厄寇  
盜更崩犇撚箭無安席操刀廢舉罇霜增涼月  
白江截亂峰翻蘆鳥如曾識哀笳不忍論六千  
餘道口一百幾煙墩獨語奚爲伴空林似是村  
招提看錫影石窟繫舸痕蠻唱風生籟沙洲竹  
拘根有時來釣叟何日離啼猿兄弟家書遠金



五言詩 卷之九  
鈕骨骼存人形紛黠詐土色帶煩寃老泪揮花  
木窮鄉念子孫乾坤愁自覺鬢髮感誰恩落葉  
辭龍浦歸鴻過葦門至今八九載血淚夜中吞

濟上早發

王鐸

歸程貪早涉鳴櫓破青煙落月已投海疎星未  
離天空勞瞻壞屋自厭曠花田漫述塗錚詠羞  
談櫟社篇英雄真瓦礫今古自璣璿局敗人難  
酌鋒多酒善全鶯聲穿葉響螢照與溪連何苦  
江湖裏不居鹿豕邊歲華人易老曇偈鉢長玄

藏跡靖山內藥畦想莫年

問湛虛

王鐸

境通林慮裏家向碧溪分景物無遷色淵玄有  
異文道榮諧虎獻心一命僮耘酌酒當松寂迎  
香閱日曛沉冥匡宙意收拾濟時勲遠徑猿相  
接高陵磬獨聞禽靈閒自語潭奧蚤生雲或與  
真僧食得忘野犢芸茲丘方理帙何郡更移軍  
容否三弓地油然共一羣

傅叔甘惠建蘭致謝

王鐸



五言詩 卷之九  
蘭花移遠馥令我醉都梁溪谷人心少粵閩鳥  
路長雲莖呈玉幹月露結巖光敦本存天理爲  
情發妙香葉浮傾碧綠葩素謝丹黃挺質宵煙  
合汎姿夜彩涼日華增色笑石氣煥文章盛德  
終難掩對茲不欲忘

爲農

王鑰

爲農專土務差足養餘年黍稷縮春酒木綿補  
社錢龍行八井雨牛種一犁煙祈穀尊先嗇迎  
猫報大田溪花黃近酒晴月晚流天妻子免飢

餓老夫枕草眠

巳亥春日雨示子無逸無忝

王鑰

巳亥春無定忽然大雨催乾坤千里震雷電百  
蠻來國步憑天轉家門待女開貽書堪教子有  
飯莫生財勿使聖賢惡常令比匪哀人羣尊鬼  
魅世路半蒿萊我已慙無悶爾當愧不才

自責

王鑰

一生何所事兩鬢已吹秋爲善無兼力懾心戒  
妄求人皆工薄劣予未寡愆尤衣食俱成累詩



書可自修長鯨吞五嶽赤鬼陷中州血改神農  
路火燒滄海流行藏憑燕雀性命附沙鷗間共  
兒孫戲暫忘歲月憂道齊除虎政禱祀答天庥  
聊以省吾過莫貽後日羞

雨後閒中偶拈

王鐸

貧病安吾拙物情動有違惠然來小雨迨爾慰  
調飢夏樹榮平榭秋星轉少微雲光流石鼎笠  
影緬漁扉水溢青林犯泉鳴翠巘圍薇花雙杵  
扣龍鏡老魑微卽此嘲匏繫何知想淑旂羈人

懷故處旅鴈候將歸天霽貧難送山成畫欲飛  
倘安垂老骨甘茹舊谿薇

賀九山至光福柬羽遐葉子 王鐸

時雨滋新綠過岡媚景繁所逢茶萼坼因憩竹  
陰門犬伏如相熟泉流自不溫閒聞絲杼響乃  
與農人言畦茂何菁蒨地靈合混元引之邁前  
路遂爾篤靜魂曲折踏猿籟空虛點鴈痕雙童  
能劬藥野榭許開尊峰勢通深意溪香誘細論  
楊梅敦丈樹虎豆抱叢根玄墓無藏雪洞庭生



早暎老僧枯貌古君子宦心燔世界寬如此鴻  
濛原永存巉林同夢往峭嶂逐雲屯理達逾知  
簡物忘已離喧庶云保內宅不徒醉花源

登張秋埠樓多聞且有新警難返津口

王鐸

萍蹤今到此水氣鬱然烝生發觀林木瀟騷躡  
阜陵齊東山盜止吳下米船增揮淚痲黎庶傷  
心弔友朋童牛眠廢趾碩鼠嚙枯贈封內千家  
斃兵間百賦徵浮雲空浩蕩社稷恐分崩奏牘

真無補臨戎安所憑宵烽通紫塞殺氣兆蒼鷹  
江海十年客風沙萬里簷家貧羞廩祿身老厭  
官陞故國無安宅寓公且飲冰蓼花他自喜野  
馬又何矜眺罷腸如擣屠龍笑技能

邙山

王鐸

邙山高望處處古人墳上下幾千載東西一  
片雲茲丘方弔鬼何郡更移軍骨白春零亂月  
黃夜不分折碑存漢魏冷酒代功勳空抱滿心  
淚無情鳥獨聞



春祭覺斯長兄墓

王鑰

道德中原望詩文千古名  
魂歸寒食雨春滿弟兄情  
毛血骨登豆紙錢覆瓦罌  
北風棠棣夜暮身洛陽聲  
處處兵戈亂年年墓草生  
空山人不見獨立淚雙傾

閏三月

王鑰

今年閏三月緋桃兩次紅  
綠飛天合樹白破月流風  
表裏春爲政高低氣再通  
披榮探際曉拾翠陟孤空  
草徑須防滑花香不用同  
身家燕雀

尾禾黍洛陽宮賦歛無寧日  
干戈厭老翁人貧鄉社廢  
廟毀鬼神窮到處舌成啞  
如今耳竟聾感心傷物候  
惆悵野橋東

移病

王鐸

老去生殘病頓令交際疎  
物聲聽亦泯藥性靜方儲  
老鼠緣衣桁舊僧寄佛書  
郊畿非故阨兒女半離居  
骨冷勤加絮頭風不任梳  
三光勞玉弩十嶽候神驢  
虺蜴來荒徑蒺藜滿破廬  
占亨宜考卦求遜可虛徐



五言詩 卷之九  
鄉中意

王鐸

村中寡世務足以養餘年花木延天氣鷄鵝補  
社錢巖光韜宇宙硯影下星躔金鍊高霞外江  
湖大地前狂攀黃竹戲醉枕白牛眠瓢粒將成  
道呼龍小有巔

憶園

王鐸

池光澄古月秋意在南園舊路初無改孤松獨  
善存有誰鋤土脉爲我護霜根鴻寶深培命金  
奩靜養魂尸居羞荔洞旅處夢蓬門不見谿雲

媚空閒野確誼寄情仁幼犢兼愛理芳菘抱甕  
吾生事主人有素言

鄉行

王鐸

攀春離市井驅馬喜鄉行高鳥鳴晨麓低雲趁  
晚晴田分千畝綠月照一山明命瓦酬知己翻  
書信老彭余懷欣有托鄙事愧無成閒步東臯  
外蟲聲得我情

甲申冒雨渡鎮江

王鐸

金山擁水背鐵甕鎖春城暮雨千林沸寒流一



代傾天迷故國望人哭暮江聲飛席當風善盤  
渦下匯平牟腸方萬死虎口脫餘生堪嘆身多  
難思量夜不晴

三春苦雨

王鑰

三春恒苦雨一雪倍兼風寒暑來無序陰陽數  
已窮鬼神彌旦晚日月喪西東地自排江出天  
從漏壁通水隨雲度黑山帶石流瀕乍霽成開  
關埋光入混融榆錢盈細暖柳眼暗晴空高樹  
連平綠低花壓碎紅探林崖脚亞擲火帝飛冲

鶴掠淺深路鯨吹斷續虹人經百戰後心落五  
湖中世亂身爲累年荒穀不豐卜應占宅相居  
乃避漂汎求隱難爲圃習慵竟作翁欲移高土  
上明滅互霏濛

聞有止青柯坪上

王鐸

沈鬱豈能談祗思愜兌矚斷崖開蜜房曲閣透  
鞭竹老友無相過野禽似與逐虛中白自疑靜  
極光爲沐鼎氣蒸奇書水煙泛壽木兼此風雨  
多自然丘壑綠長嘯忘天根空吟休虎谷川觀



玄化勞一生此穆穆

上大報恩寺塔

王鐸

寶炬連星豎神虬倚漢蟠白雲纏石牖朱火射  
風門開國資幽貺舊都答慧恩地靈潮氣湧天  
大法王尊萬水金瑯響千峰鏡像魂鴻濛勞日  
月浩蕩合崑崙江遙歸南紀稽首訊盤根

春曉亭

王鑰

菊廬楊君余西曹執交也以春曉亭徵  
詩亭在蘄東玉臺山上山高僅數百仞

兩面面水水澄清無汙濁色山雖小而  
巉峭巖溟鬱第窳窳與白嶽秦望  
相埒焉其中花石桃柳畫樓春亭漁浦  
樵風綠楊橋繡佛庵枕浣閣雜逕其間  
祥雲翳林傾暉映岫洵古黃之勝地漢  
張道陵修煉於此玉芝丹井尚在鷄雛  
食丹化鳳有鳳棲山子瞻有解鞍欹枕  
綠楊橋杜宇數聲春曉之句楊公因以  
名亭余并誌之偶得二十九韻



勝地因人重春亭借曉名落成余未躋遊覽意  
先傾拾級緣青綠攀條入紫蘋三茆堪仰蓋一  
畝費經營室內雲常滿階前鳥不驚早梅全占  
路修竹半欹楹桃蕊開元化蘭馨發素貞綺窓  
飛白日畫棟走朱英山峻何妨小水深豈礙清  
林光承旦靄鴉色帶初晴物化魚雙尾靈分芝  
九莖谷空泉自響戶閉草還生冒雨峰巒變流  
風羽燕輕氣寒朝葉濕霧散野花明溪溜無平  
石潭交有倒泓綠來橋倚樹黃近柳飛鶯亂漱

蒲爭出空梁月共行巖禽逐去蝶漁權起新蜻  
南接劉郎浦西連夏口城憑軒吳地濶望眼楚  
天橫龍影湖中挂鳳毛火裏成鷄食丹日和調  
玉鼎時晏罷金鉦迴合藥欄氣等閒鐘鼓聲臺  
邊容蠟屐沙上結鷗盟風雅存吾輩牧農事耦  
耕登高君作賦跌坐我吹笙豪士煙霞主奇文  
海嶽精千秋知己契三月故人情何日亭間卧  
同聞杜宇鳴



孟津詩卷之十目錄

七言排律

海陵

南歸咏懷

登支硎山同石叟元歎

再送舅氏公朗治秦中

京口言

贈將軍守雲間



孟津詩卷之十

七言排律

海陵

王鐸

衝寒仗劍入東吳，孰道鉢池興不孤。  
異地舟航傳靺鞨，滿天雨雪妬江湖。  
時來柳色春深淺，遊去梅花醉有無。  
白鹿洞中新履跡，青膚石上老仙圖。  
煩紆欲削張衡牘，曠達能忘何遜觚。  
此後傷心非戰壘，無邊芳草欲模糊。

登支硎山同石叟元歎

王鐸



拾級層層去路斜峰形變動似龍蛇九天蒼蔚  
千秋葉百道吹噓萬古霞石壁溪頭多景物竹  
籬洞口是誰家歲凶難得安田畝時變常將哭  
翠華間煮瓊英囚白日且隨藥白養丹砂夜來  
鸞鶴歸何處開遍紅蕉幾樹花

再送舅氏公朗治秦中

王鑑

分陝元臣借老成驪歌又動渭陽情巾車西入  
霸陵樹灤水東回召伯城黃綬偏能催早客紫  
泥猶自待阿衡月明驛路啼猿暮人近蒲關夏

草生玉女春雲靈鳳杳金牙鞞鼓野鷄鳴病衰  
余已歸田舍國治君將寄帝紘匹馬三峰白石  
渡干旄五夜黑山程致身只覺朝廷重歛稅  
休嫌民命輕秦甸兵農勞此舅中原詞賦愧愚  
甥從今先夢鴻門坂別後獨看傀儡棚來往不  
堪頻折柳離心枝上有商庚

南歸咏懷

王鑑

昨歲孟秋余北去今年仲夏又南來往還鬢末  
雪先落朝暮天涯花再開仕局真如雷電火世



情恰似水淋灰兵稱滇粵中原做星墮和泥卜  
兀頽心類桔槔多上下人同詩賦費敲推窮愁  
只恁能吟句懶憊於今不舉杯供養建蘭生獨  
笑頻移義竹傍窓栽愚成鳩鶩寧從拙歌引龍  
蛇亦自哀不義金錢干鬼氣無情風雨黯蒿萊  
願爲白壁甘秦怒且耐黃鷄叫楚材天地肯容  
犬馬齒漁竿定老鳳凰臺春枝排比石間露曲  
逕分疎月裏苔總閉柴門無所事休將午夢易  
三台

京口言

王鐸

一身歷落在他鄉萬事驚心鬢已霜螢火不知  
苑草冷潮聲空向布颿張石頭春色牽愁重京  
口秋波引夢長萬里孤臣空涕淚十年戎旅欠  
柴桑履霜沐雨真多患頑日昏風豈不傷壁澤  
無勞唾馬齒狼啼實足斷人腸此時風雨休歸  
權有日煙蘿到野堂太皞春光天地富終將心  
事付滄浪

贈將軍守雲間

王鐸



由拳雪掩蛟門低黃浦元戎錫介圭破險旌旄  
迷玉海專征女兔授金泥牙旗月擁千峰亂甲  
帳春流萬木齊一旦吳天銷鬼蜮十年澤國捲  
鯨鯢時平戰息龍能卧歲貢蠻賓虎不啼江上  
青袍新總府營前朱雀舊安西山川南北消烽  
火共醉桃花下五溪





